

আন্তর্জাতিক

হুথিদের হামলায় সৌদির জিজানে মসজিদসহ বহু স্থাপনা ক্ষতিগ্রস্ত

প্রতিবেদক: আন্তর্জাতিক ডেস্ক

প্রকাশের তারিখ: রোববার, ১৩ সেপ্টেম্বর ২০২৬, ০২:৫৯ PM



ইয়েমেনের হুথি বিদ্রোহীদের হামলায় সৌদি আরবের জিজান প্রদেশে একটি মসজিদসহ বহু ঘরবাড়ি ক্ষতিগ্রস্ত হয়েছে। সৌদি আরবের সিভিল ডিফেন্স জানিয়েছে, হুথিদের ছোড়া একটি ক্ষেপণাস্ত্র বা ড্রোন জিজানে আঘাত হানে।

জিজান ইয়েমেনের সীমান্তসংলগ্ন সৌদি প্রদেশ। হুথিদের হামলায় প্রদেশটির আল-তুয়াল জেলায় বেশ কয়েকটি গাড়িও ক্ষতিগ্রস্ত হয়েছে।

সিভিল ডিফেন্সের মুখপাত্র বলেছেন, বেসামরিক অবকাঠামো লক্ষ্য করে হুথিদের এ হামলা আন্তর্জাতিক মানবিক আইনের গুরুতর লঙ্ঘন।

এদিকে হুথি বিদ্রোহীরা দাবি করেছে, তারা সৌদি আরবের নাজরান প্রদেশের শাররহ এলাকায় একটি সামরিক ঘাঁটিতে হামলা চালিয়েছে।

এর আগে গত মঙ্গলবার সৌদি আরবে বড় ধরনের হামলা চালায় হুথিরা। ওই দিন তারা আবহা, খামিস মুশাইত, জিজান ও নাজরানকে লক্ষ্য করে হামলা চালায়। এতে নারী ও শিশুসহ ৭৩ জন আহত হন।

গত সপ্তাহে লোহিত সাগরের উপকূলীয় অঞ্চলগুলোর নিয়ন্ত্রণ নিতে ইয়েমেনের সরকারি বাহিনীর বিরুদ্ধে অভিযান শুরু করে হুথিরা। কয়েক দিনের মধ্যেই তারা ইয়েমেনি সেনাদের কাছ থেকে কয়েক শ কিলোমিটার বিস্তৃত এলাকা দখল করে নেয়।


এর ফলে ইয়েমেন সরকার লোহিত সাগরের ওপর নিয়ন্ত্রণ হারিয়েছে। এখন ওই এলাকায় সরাসরি যাওয়ার সুযোগও তাদের নেই।

হুথিদের ওই অভিযানে ৫০০-এর বেশি মানুষ নিহত হয়েছেন। আহত হয়েছেন আরও শত শত মানুষ। এ ছাড়া বাস্তুচ্যুত হয়েছেন ৫০ হাজারের বেশি মানুষ।

হুথি বিদ্রোহী ও সৌদি আরবের মধ্যে ২০২২ সালে জাতিসংঘের মধ্যস্থতায় যুদ্ধবিরতি হয়েছিল। এরপর প্রায় চার বছর ওই অঞ্চল তুলনামূলক শান্ত ছিল। তবে যুদ্ধবিরতি ভেঙে যাওয়ার পর আবারও সংঘাত শুরু হয়েছে।

সূত্র: আলজাজিরা

এ বিভাগের আরও খবর



রাশিয়া-ইউক্রেন যুদ্ধে এ পর্যন্ত ৫ লাখ রাশিয়ার নাগরিক নিহত হয়েছে: যুক্তরাষ্ট্রের সেনাপ্রধান
রাশিয়া-ইউক্রেন যুদ্ধের শুরু থেকে এ পর্যন্ত প্রায় সাড়ে চার বছরে রুশ শিবিরে নিহত হয়েছেন প্রায় ৫ লাখ মানুষ। এই নিহতদের মধ্যে সামরিক ও বেসামরিক...



মধ্যপ্রাচ্যে উত্তেজনায় তেলের দাম ছাড়াল ১০৭ ডলার
মধ্যপ্রাচ্যে চলমান উত্তেজনার প্রভাবে আন্তর্জাতিক বাজারে অপরিশোধিত তেলের দাম আবারও বেড়েছে। সেমবার আন্তর্জাতিক মানদণ্ড ব্রেন্ট ক্রুডের দাম ব্যা...



মধ্যপ্রাচ্যে আগ্রাসন ও একতরফা শুল্ক আরোপে নিন্দা ব্রিকসের নেতাদের
জাতিসংঘ নিরাপত্তা পরিষদের (ইউএনএসসি) াকটামোঘত পরিবর্তন—সহ বহুপাক্ষীয় সংস্থাগুলোর সংস্কারের জোর দাবি
জানিয়েছেন ব্রিকসের শীর্ষ নেতারা। পাশাপা...



২৪০ যাত্রী নিয়ে জাভা সাগরে নির্খোঁজ জাহাজ
ইন্দোনেশিয়ার পূর্ব জাভা থেকে বোর্নিও দ্বীপের দক্ষিণ কাসিমন্তানের পথে ২৪০ যাত্রী নিয়ে একটি যাত্রীবাহী জাহাজের যোগাযোগ
বিচ্ছিন্ন হয়েছে। রবিবার...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/international/huthider-hamlay-soudir-jjjane-msjidsh-bhu-sthapna-kshtigrst>